



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.28/2017

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Zyhdi Haziri kryesues, Afijete Sada-Gllogjani dhe Faton Ademi anëtarë, me zyrtares ligjore, Robertina Lekaj, duke vendosur përkitazi me ankesën e Institutit Demokratik të Kosovës (KDI), Prishtinë, paraqitur kundër Koalicionit PDK-AAK-NISMA, dega në Shtime, për shkak të vendosjes së posterve në shtylla publike për Zgjedhjet e Parakohshme për Kuvendin e Republikës së Kosovës, në seancën e panelit të mbajtur me 05.06.2017, mori këtë:

V E N D I M

Pranohet si e bazuar ankesa e Institutit Demokratik të Kosovës (KDI), Prishtinë, kështu që Koalicioni PDK-AAK-NISMA, dega në Shtime, i shqiptohet dënimi më gjohë në vlerë prej 1,500.00 (njëmijepesëqind) euro, të cilën detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënim të përmarimit.

A r s y e t i m

PZAP-i, ka pranuar një ankesë më datë 02.06.2017, nga Instituti Demokratik i Kosovës (KDI), parashtruesi i kësaj ankesë potencon se me datën 01.06.2017, rreth orës 07:30, në rrugën kryesore në qytetin e Shtimes, në afërsi të shkollës, monitoruesi i tyre ka hasur në postere të kandidatëve për deputet për Kuvendin e Republikës së Kosovës nga Koalicioni PDK-AAK-NISMA, të ngjitur në drunj dhe shtyllë publike. Me këtë rast parashtruesi i ankesës thekson se është bërë shkelje e dispozitës së Nenit 33, paragrafi 1, pika b, e Ligjit për Zgjedhjet e Përgjithshme Ligji Nr.03/L-073 dhe konsideron se Koalicioni PDK-AAK-NISMA, ka shkel këtë nen në momentin që ka vendosur poster të kandidatëve për deputet në hapësirë publike.

Parashtruesi i ankesës si provë ka bashkangjitur tri fotografi të printuara si dhe një CD me tri fotografi lidhur me rastin në fjalë.

Në përgjigjen në ankesë Koalicioni PDK-AAK-NISMA, të datës 03.06.2017, ka theksuar se në momentin që kanë pranuar kërkesën për përgjigje kanë ndërhyrë shpejtë duke i larguar posterat nga vendet e caktuara në qytetin e Shtimes.

Dhe si provë për të dëshmuar përmirësimet e tyre kanë bashkangjitur një video inqizim dhe foto tjera nga vendi i caktuar.

PZAP-i, pasi që shqyrtoj ankesën vlerësoi se:

Ankesa është e bazuar

Nga fotografitë e ofruara si provë e cila gjendet në shkresat e lëndës shihet qartë se posterat e kandidatit për deputet nga radhët e Koalicionit PDK-AAK-NISMA, janë të vendosura në shtylla publike dhe drunjtë e qytetit, veprime këto që janë në kundërshtim me nenin 33, pika b), të LZP-së e cila përcakton: “ *Veprimet e ndaluara nga ana e subjekteve politike gjatë fushatës zgjedhore që ndalon vendosjen e pllakateve, posterave dhe njoftimeve në apo mbi rrugët publike*”.

Paneli me rastin e vendosjes se gjobës, ka marrë parasysh rrethanat si në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;
- Nëse subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Nëse subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë si dhe
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura me fushatën zgjedhore.

Paneli, mori parasysh të gjitha rrethanat në rastin konkret ngase subjektet politike të Koalicionit PDK-AAK-NISMA, kanë marrë pjesë edhe në zgjedhjet e kaluara dhe se janë të njoftuar me rregullat zgjedhore, si dhe faktin se posterat e kandidateve për deputet nga ky koalicion janë vendosur në objekt publik gjegjësisht në drunj dhe shtylla publike. Po ashtu si rrethanë, PZAP-i e mori edhe faktin që Koalicioni PDK-AAK-NISMA ia dha mundësinë për tu përgjigjur dhe ka bërë përmisimin e shkeljes ashtu që në përgjigjen e pranuar nga ana e tyre shihet qartë se kanë ndërmarrë veprime për të tërhequr posterat në vendin e palejuar.

PZAP-i, pasi vlerësoi pretendimet ankimore sipas kriterëve të përcaktuara më lart, konstatoi se nga ana e Koalicioni PDK-AAK-NISMA, është shkelur neni 33, pika b) të LZP-së, pasi që nga provat e ofruara shihet qartë se posterat e kandidatit të subjektit të tij janë vendosur në objekt publik gjegjësisht në drunj dhe shtylla publike në qytetin e Shtimjes, si dhe duke marrë parasysh se Koalicioni PDK-AAK-NISMA, ka bërë veprime për ta përmirësuar shkeljen e Kodit të Mirësjelljes për subjektet

politike respektivisht largimin e posterave siç edhe është urdhëruar nga PZAP-i, me parashtrësën e datës 03.06.2017, për të përmirësuar shkeljen e theksuar më lart.

Paneli e urdhëroi koalicionin PDK-AAK-NISMA, për ta përmirësuar shkeljen e kodit të mirësjelljes për subjektet politike, brenda afatit të caktuar, ka ndërmarr veprime e duhura për evitimin e shkeljes duke e larguar menjëherë posterin nga vendi ku ka ndodhur shkelja, i cili veprim ka ndikuar në lartësinë e gjobës së shqiptuar në dispozitiv të këtij vendimi.

Duke u nisur nga arsyet e theksuara me lartë, Paneli konstaton se nga ana e koalicionit PDK-AAK-NISMA, është shkelur neni 33 pika (b) të LZP-së, pasi që postaret e kandidatëve për deputet nga koalicioni PDK-AAK-NISMA, nga provat e ofruara shihet qartë se janë të vendosur në rrugën kryesore në qytetin e Shtimes në shtylla publike dhe në drunjte e qytetit, dhe duke pasur parasysh veprimet e menjëhershme të koalicionit në fjalë që ka ndërmarrur për evitimin e shkeljes si dhe përpjekjet për të parandaluar veprimet e ndaluara në bazë të provave të cilat i ka ofruar të bashkangjitura përgjigjes në ankesë e të cilat veprime kanë ndikuar në lartësinë e gjobës së shqiptuar.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr. 28/2017 më datën 05.06.2017.



Këshilla Juridike:

Kundër këtij vendimi nuk lejohet ankesa konform nenit 118 par. 4 të LZP-së.